



Broj: 02/2-05-21984 /15  
Tuzla, 19.11.2015.godine

## UDRUŽENJA DIJASPORE

**Predmet: Poziv na uspostavljanje saradnje, dostavlja se -**

Poštovani,

Vlada Tuzlanskog kantona u okviru svog Programa rada provodi aktivnosti vezane za mogućnosti ostvarivanja saradnje sa dijasporom. Statistički podaci pokazuju da BiH ima preko 1,5 milion svojih građana u dijaspori širom svijeta. Uključivanje dijaspore u ekonomski razvoj BiH i Tuzlanskog kantona prioritet je u radu Vlade TK i sastavni dio Strategije razvoja TK 2016-2020.

Na području Tuzlanskog kantona uspješno i uz dobit djeluje 3.520 malih i srednjih preduzeća i 11.103 obrtnika. Tuzlanski kanton ima brojne komparativne prednosti i resurse od kojih je neophodno istaći: JU Međunarodni aerodrom Tuzla, tradicija industrijske proizvodnje, najjeftinija električna energija u regionu, povoljan geografski položaj, ljudski i prirodni resursi, te najmanji porez na dobit u iznosu od 10%. Takođe, postoji značajan prostor i interesovanje za ulaganja kroz javno-privatno partnerstvo na Tuzlanskom kantonu.

Pozivamo Vas da na institucionalnom nivou unaprijedimo svaki vid naučne, stručne i organizacione saradnje, kao i razmjenu podataka o resursima, članovima, granama djelatnosti, interesovanjima i mogućoj ekonomskoj, privrednoj i kulturnoj saradnji.

Molimo Vas da svoja pitanja, sugestije i podatke dostavite na e-mail Ministarstva razvoja i poduzetništva TK [minrp@tk.kim.ba](mailto:minrp@tk.kim.ba) ili kontaktirate direktno na broj telefona +387(35) 369 352.

Niti jedan poslovni poduhvat nije lak i niti u jednoj zemlji put prema uspjehu nije jednostavan i brz, a prati ga težak rad i upornost. Ono što se može prenijeti kao dobro i korisno iskustvo u svoju matičnu zemlju od neprocjenjive je važnosti kako bi se prepreke prema razvoju uklonile, ojačale veze između naših ljudi u inostranstvu i onih koji žive u BiH i Tuzlanskom kantonu, te povezali ljudi iz različitih stručnih područja u zajedničkom naporu da, gradeći sebe kao individue, grade i svoju domovinu.

S poštovanjem,



**PREMIJER KANTONA**

**Bego Gutić**